

Gniježđenje bijele rode (*Ciconia ciconia*) na Gatačkom polju

White Stork (*Ciconia ciconia*) nesting in Gatačko polje: In June 2017 the breeding activity of White Stork (*Ciconia ciconia*) was registered in Gacko, which is a very rare case in the area of the Dinaric Karst. In the same year, the nesting activity was also registered in Sanski Most, on the border between “Pannonian” and “karst” populations, which raises the question of the direction of colonization of Dinaric Karst.

Prilikom kratkog zaustavljanja kod sela Vrbice istočno od Gacka ujutro 02.06.2017. primjetio sam bijelu rodu (*Ciconia ciconia*) koja je sletjela na travnjake da traži hranu. Nakon 15 minuta ptica je ponovo odletjela u smjeru Gacka. Očito je bilo da se radi o ptici koja fokusirano traži hranu i nosi je u gnijezdo. Dana 24.06.2017. sam u centru Gacka, skriveno iza blokovnih zgrada, pronašao gnijezdo na visokom dimnjaku. Na osnovu traženja uz pomoć GoogleEarth vidi se da se gnijezdo nalazi na dimnjaku osnovne škole Sveti Sava na nadmorskoj visini od 953 m, što je jedno od najviših, ako ne i najviše aktivno gnjezdo u Bosni i Hercegovini. Na gnijezdu je bila jedna odrasla roda i najmanje jedan mladunac. Mladunac je bio star 20-25 dana i još pokriven paperjem po glavi i vratu. U vrijeme gniježdeće sezone bjelih roda, kada su mladunci neposredno prije izlijetanja, mladunac iz Gacka je još bio jako malen. Tokom naredna dva dana jedna roda je stalno bila na gnijezdu, dok je druga donosila hranu. Svaka informacija o gniježđenju bijelih roda u Bosni i Hercegovini izvan “panonskog utjecaja” zaslužuje publiciranje zbog geografske izolovanosti i praćenja dinamike kolonizacije dinarskog krša [Šarac M. & Stumberger, B., 2008/2009: Bijela roda (*Ciconia ciconia*) na Duvanjskom i Livanjskom polju. Bilten Mreže posmatrača ptica u Bosni i Hercegovini, 4-5: 10-15]. Također, interesantno je izdvojiti i gniježđenje bijele rode (sa mladima u gnijezdu) kod Sanskog Mosta dana 28.5.2017. na samoj granici “panonskih” i “kraških populacija, što otvara diskusiju o pravcu kolonizacije Dinarskog krša.

Borut Stumberger

SI-2282 Cirkulane 41, Slovenija
stumberger@siol.net